

## **Lescha pertutgont las zonas da pôss per la selvaschigna**

1. La zona da pôss per la selvaschigna vot schurmager flora e fauna d'en adiever public exagero. An spezial duess la selvaschigna betg neir disturbada aint igls sies quartiers d'anviern, per evitar uscheia donns indirects ve dalla vegetaziun.
2. La zona da pôss per la selvaschigna cumpeglia igls territoris signias sen la carta naziunala 1:25'000 digl cumegn da Tinizong-Rona.
3. Chel territori dastga neir transitò davent digl 1. da december anfignen igls 30 d'avregl angal sen las veias signeidas sen la carta 1:25'000 u marcadas aint igl territori per veias da viandar. Igl bandunar chellas veias è scumando durantchel taimp. An spezial na dastgan chellas veias betg neir bandunadas durantchel taimp per tshartger cornas.
4. L'agricultura ed igl forestalessen na vignan betg restranschias ainten la zona da pôss. Tottas activitads correspondentas èn lubeidas. An spezial na vala en scumond da bandunar las veias betg per l'execuziun d'activitads agricolas e forestalas.
5. Igl scumond da bandunar las veias na vala er betg per persungas uffizialas (selvicultour, luvrants da gôt, tgira da selvaschigna, etc) an execuziun da lour uffezi, scu er per persungas auxiliaras. Lubia da bandunar las veias ègl mademamaintg per l'execuziun dalla tgatscha da liagier e per igls posts da pavlar la selvaschigna.
6. Tottas persungas, tgi sa cattan tranter igl 1. da december ed igls 30 d'avregl aint igl territori signia, èn oblieidas sen cumond, d'inditgier lour persunalias anvers igls organs forestals, la tgira da selvaschigna e funcziunaris da cumegn, tgi ston sa legitimar scu tals.
7. Mintga surpassamaint da chesta lescha communal vigna puneida cun castei.

Approvò dalla radunanza communal igls 19-10-2001

Igl mastral:

Igl actuar: